

Broj: 03-017-2056/2018
Dana; 06.04.2018.godine

SKUPŠTINA UNSKO-SANSKOG KANTONA

11.04.2018.
03-017-2056/2018

PREDMET: Izvještaj o radu i poslovanju Zdravstvene ustanove Zavod za javno zdravstvo Unsko-sanskog kantona za 2017.godinu i

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Izvještaj o radu i poslovanju Zdravstvene ustanove Zavod za javno zdravstvo Unsko-sanskog kantona za 2017.godinu, uz sljedeće:

O b r a z l o ž e n j e


Vlada Unsko-sanskog kantona je na sjednici održanoj dana 06.04.2018.godine razmatrala i Zaključkom broj: 03-017-2056/2018, prihvatila Izvještaj o radu i poslovanju Zdravstvene ustanove Zavod za javno zdravstvo Unsko-sanskog kantona za 2017.godinu, predlažuća Ministarstva zdravstva, rada i socijalne politike, koji vam se upućuju na razmatranje

S poštovanjem,

Prilog: Izvještaj o radu i poslovanju Zdravstvene ustanove Zavod za javno zdravstvo Unsko-sanskog kantona za 2017.godinu (6x)

Dostavljeno:
1.Naslovu
2.a/a (2x)

PREMIJER KANTONA
dr.sci. Husein Rošić
0575



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 06.04.2018.godine, donosi:

ZAKLJUČAK

I

Prihvata se Izvještaj o radu i poslovanju Zdravstvene ustanove Zavod za javno zdravstvo Unsko-sanskog kantona za 2017.godinu i upućuje se Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-2056/2018
Bihać; 06.04.2018. godine

PREMIJER KANTONA
dr.sci. Husein Rošić



Broj: 49 /2018.
Datum: 16.03. /2018.

Na osnovu člana 17. Statuta Zdravstvene ustanove Zavod za javno zdravstvo USK-a Bihac i člana 22. Poslovnika o radu Upravnog odbora Zdravstvene ustanove Zavod za javno zdravstvo USK-a, Upravni odbor Zdravstvene ustanove Zavod za javno zdravstvo USK-a Bihac, na V -oj redovnoj sjednici održanoj dana 26.03.2018.godine donio je slijedeću


ODLUKU

I

Usvaja se Izvještaj o radu i poslovanju Zdravstvene ustanove Zavod za javno zdravstvo USK-a, za 2017.godinu, sa revizorskim izvještajem.

II

Odluka stupa na snagu danom donošenja.



Predsjednika Upravnog odbora
ZU Zavod za javno zdravstvo USK-a

Altić dr. Ino

Dostavljeno:

- Ministarstvu zdravstva, rada i soc. politike USK-a
- direktoru
- a/a UO

Broj: 442/18
Datum: 27-03-2018

**IZVJEŠTAJ O RADU I POSLOVANJU
ZDRAVSTVENE USTANOVE ZAVODA ZA JAVNO ZDRAVSTVO
UNSKO-SANSKOG KANTONA ZA 2017. GODINU**



ZDRAVSTVENA USTANOVA
**ZAVOD ZA JAVNO
ZDRAVSTVO USK**

LIČNA KARTA

NAZIV : Zdravstvena ustanova zavod za javno zdravstvo USK

SJEDIŠTE: Bihać

ADRESA : Dr.Irfana Ljubijankića bb, Bihać

DJELATNOST : Javno – zdravstvena djelatnost sekundarnog nivoa

PRAVNI STATUS: Javno - zdravstvena ustanova

IDENTIFIKACIONI BROJ: 4263201190008

TELEFON : 037/ 351-799 , 351-800

E-mail : zizusk@bih.net.ba

Web stranica: www.zizusk.com.ba

ODGOVORNA OSOBA: Prim.dr. Zarina Mulabdić, specijalista epidemiolog

BROJ ZAPOSLENIH : 38 zaposlenih na neodređeno i 3 zaposlenika na određeno

Zdravstvena ustanova
**ZAVOD ZA JAVNO
ZDRAVSTVO USK-a**

JIB: 4263201190008
A: Dr. Irfana Ljubijankića bb
77000 Bihać, BiH

T/F: +387 37 35 17 99; 35 18 00
E: zizusk@bih.net.ba
W: www.zizusk.com.ba



Sadržaj Izvještaja o rada:

| | | |
|------|---|----|
| I | Uvod..... | 1 |
| II | Normativni dio..... | 2 |
| III | Tematski dio..... | 4 |
| IV | Kapitalni projekti..... | 35 |
| V | Ocjene stanja i postignutih rezultata..... | 36 |
| VI | Programska orijentacija..... | 44 |
| VII | Izvršenje planiranih kontinuiranih poslova..... | 47 |
| VIII | Pregled unutarnje organizacije, kadrovske i materijalne osposobljenost..... | 47 |
| IX | Način ostvarivanja saradnje sa federalnim organima, drugim kantonima, općinama, obdusmenima i dr..... | 48 |
| X | Financijski izvještaj poslovanja za 2017.godinu..... | 49 |

I UVODNI DIO

Zavod za javno zdravstvo USK-a je vodeća ustanova u praksi i uslugama sistema javnoga zdravstva našeg Kantona, a djelatnost istoga je organizirana kroz rad pet stručnih službi koje brinu o provođenju mjera zdravstvene zaštite i pružanju zdravstvenih usluga na području očuvanja i unapređenja zdravlja građana, kontroli i sprečavanju zaraznih i kroničnih bolesti, poticanju kvalitete i praćenju uvjeta životne i radne okoline, zdravstvenom prosvjećivanju i promicanju zdravlja naročito vulnerabilnih skupina stanovništva. Zahvaljujući svojim naporima i ulaganjima vlastitih financijskih sredstava, Zavod je uveo sisteme upravljanja BAS EN ISO/IEC 17025 i BAS EN ISO 9001/2008 i na taj način obezbjedio konkurentnost na tržištu. Kako bi ostali konkurentni na tržištu i dalje nastojimo razvijati nove tehnologije, znanjavati opremu, ulagati u ljudske potencijale, odnosno stručnu edukaciju zaposlenika. Kroz uvodni dio nastojimo u kratkim crtama opisati ulogu i godišnje aktivnosti iste, a sto će detaljno biti opisano kroz daljnji sadržaj.

- U 2017. godini nastavljeno je kontinuirano praćenje, obrađivanje, analiziranje podataka o stanju i kretanju TBC-a, predlaganje odgovarajućih mjera za sprečavanje i suzbijanje ove bolesti, te vršenje nadzora nad sprovođenjem tih mjera.

Dato je:

- **Mišljenje** o opravdanosti zahtjeva za specijalizacije i subspecijalizacije za javne i privatne zdravstvene ustanove za područje USK-a u 2017. godini;
- **Mišljenje** na pravilnik o radu sa predloženom sistematizacijom od strane Kantonalne bolnice dr. Irfan Ljubijankić;
- **Mišljenje** na proširenje zdravstvene djelatnosti za JZU Opća bolnica Sanski Most za pružanje usluga ortopedije i traumatologije;
- **Mišljenje** na proširenje zdravstvene djelatnosti za JZU Dom zdravlja Cazin za pružanje usluga hemodijalize;
- **Mišljenje** na obavljanje zdravstvene djelatnosti za zdravstvenu ustanovu JU Kantonalna bolnica "dr. Irfana Ljubijankić" Bihać odnosno za dobijanje ovlaštenja za rad.
- Epidemiološka situacija tokom 2017. godine cijeni se kao rizična, što je rezultat nedostatnog prijavljivanja zaraznih bolesti pogotovo u periodu poplava i aktuelnih akcidentnih situacija. S obzirom na aktuelnost zbivanja kroz pojavu određenih oboljenja koja mogu biti autohtona ili unešena sa drugih područja pa čak i kontinenta u saradnji sa Federalnim zavodom u 2017. godini nastavljeno je sa realizacijom strategije informacije i edukacije stanovništva kroz upoznavanje sa aktuelnom zdravstvenom problematikom putem sistema zdravstvenog prosvjećivanja sa tematikom zdravlje i odnos prema zdravlju, koja bi se u slučaju potrebe implementirala na našem Kantonu.

Svim relevantnim subjektima dostavljena su stručna metodološka uputstva za izradu planova vakcinacije, kontrolu izvršenja planova, kontrolu hladnog lanca, koordinirano je sa Federalnim zavodom i Federalnim ministarstvom za nabavku vakcina, praćene su postvakcinalne komplikacije, te vršeno redovito mjesečno izvještavanje kao i kontinuirani zdravstveno - prosvjetni rad u smislu podizanja svijesti stanovništva o značaju vakcinacije.

U proteklom periodu, shodno Zakonu o zdravstvenoj zaštiti FBiH, a s ciljem praćenja higijensko – epidemiološke situacije i procjene rizika redovito su izvještavani svi relevantni subjekti.

Na osnovu redovnog praćenja i ocjene higijensko – sanitarnog stanja na području općina USK-a i dalje su evidentni problemi sa dispozicijom kako tečnog tako i krutog otpada, kao i vodoopskrbom. Veliki problem i dalje predstavljaju lokalni vodovodi od kojih većina nije pod nadzorom, te bi bilo potrebno riješiti način upravljanja nad istima. Ova problematika izražena je već dugi niz godina.

Nastavljen je kontinuirani nadzor nad zdravstvenom ispravnošću vode za piće, hrane i predmeta opće upotrebe i briseva ruku zaposlenih u prometu i proizvodnji hrane, kao i kontinuirano sprovođenje kontrole zraka zatvorenih prostora i sterilnosti. Kontinuirano je vršen zdravstveni nadzor nad vodovodima uz ažuriranje kartoteke. Sprovodile su se fakultativne imunizacije sa posebnim osvrtom na antirabičnu zaštitu.

Vršeno je redovito sprovođenje zdravstvenih pregleda osoba pod zdravstvenim nadzorom, te izvještavanje o kliconošama sukladno Zakonu o zaštiti stanovništva od zaraznih bolesti („Službene novine FBiH“ broj: 29/05).

Tokom mjeseca oktobra i novembra 2017. godine izvršena su antropometrijska mjerenja tj. mjerenja tjelesne mase (TM), tjelesne visine (TV), fizikalni pregled kičmenog stuba i pregled vida učenika osnovnih škola na području Kantona. Organizovana su edukativna predavanja na aktuelne teme prikladne uzrastu djece.

U 2017 godini u laboratorijama ZU Zavoda za javno zdravstvo USK-a uspješno je sproveden interni audit, uzeto učešće u PT/ILC, a u cilju potvrđivanja kompetentnosti za akreditirane metode i pripreme za **nadzorni audit** sistema upravljanja BAS EN ISO/IEC 17025 koji će biti sproveden u januaru 2017. godine.

Također su izvršene pripreme za sprovođenje tranzicije u skladu sa novim zahtjevima standarda za sistem upravljanja kvalitetom BAS EN ISO 9001/2015;

II NORMATIVNI DIO

ODREDNICE POSLOVNE POLITIKE ZU ZAVODA ZA JAVNO ZDRAVSTVO USK-a

Za obavljanje Zakonom utvrđene djelatnosti i poslova unutar Zavoda, a shodno propisanim uvjetima ova Ustanova posjeduje i rukovodi se primjenom slijedećih akata:

- Odluka Vlade i Skupštine USK-a broj: 01-1-52/98 („Službeni glasnik“ USK-a broj: 9/98) kojom je ZU Zavod za javno zdravstvo USK-a osnovan i kao takva Ustanova, obavlja javno - zdravstvenu djelatnost sekundarnog nivoa za područje Unsko-sanskog kantona primjenjujući odredbe Zakona o zdravstvenoj zaštiti FBiH, kao i standarde i normative zdravstvene zaštite iz obaveznog zdravstvenog osiguranja;
- Rješenje Federalnog ministarstva zdravstva broj: 02-5-2788/96 od 02.06.1997.godine o ispunjavanju uvjeta, prostora, medicinsko-tehničke opreme i stručno-medicinskog kadra za obavljanje poslova kontrole zdravstvene ispravnosti živežnih namirnica i predmeta opšte upotrebe u mikrobiološkom i hemijskom laboratoriju ove Ustanove;

- Rješenje Kantonalnog suda u Bihaću, broj:U/-19/98 od 25.08.1998.godine kojim je ova Ustanova upisana u Sudski registar;
- Rješenje Općinskog suda u Bihaću broj:017-0-Reg-09-000008 od 20.03.2009.godine, kojim je u Sudskom registru upisana ispravka Rješenja Općinskog suda u Bihaću broj: 017-0-Reg-09-000050 od 12.01.2009.godine kojim je pored već upisanih djelatnosti kao djelatnost subjekta upisana i djelatnost Zdravstveno-preventivne prakse i Sanitarne i druge djelatnosti;
- Odluka o klasifikaciji djelatnosti Bosne i Hercegovine („Službeni glasnik“ BiH broj 47/10);
- Zakon o pečatu Unsko-sanskog kantona („Službeni list“ Unsko-sanskog kantona broj 01/95 i 3/97 i „Službeni glasnik“ Unsko-sanskog kantona broj 18/04);
- Odluka Skupštine Unsko-sanskog kantona broj:01-02-3-359/12 od 21.06.2012. godine o izmjenama Odluke o osnivanju zdravstvene ustanove Zavod za javno zdravstvo USK-a;
- Odluka Vlade USK-a broj: 03-017-3791/2014 Saglasnost na izmjenu i dopunu Statuta ZU Zavoda za javno zdravstvo USK-a;
- Odluka Skupštine Unsko-sanskog kantona broj: 01/2-49-6-2118-1/14 od 13.02.2014. godine o metodologiji i rokovima za izradu Programa rada i Izvještaja o radu koji se upućuju u daljnju proceduru;
- ZU Zavod za javno zdravstvo je jedina zdravstvena ustanova na području USK-a koja ima implementiran sistem upravljanja kvalitetom prema ISO standardima;
- ZU Zavod za javno zdravstvo USK-a usklađuje svoj rad sa evropskim standardima BAS EN ISO 9001:2008, dokazana je usklađena primjena što je i potvrđeno Certifikatom TIC 15 100 138551 ove Ustanove-područje primjene - pružanje usluga iz oblasti djelatnosti zdravstva sekundarnog nivoa;
- Zavod je nastavio slijediti propisane standarde i dokazao usklađenu primjenu po Pravilniku , što je potvrđeno prema proceduri certificiranja za područje primjene - pružanje usluga iz oblasti djelatnosti javnog zdravstva sekundarnog nivoa,a što je rezultiralo uspješnom recertifikacijom Ustanove.

III TEMATSKI DIO

1. SLUŽBA SOCIJALNE MEDICINE

Služba socijalne medicine sa organizacijom i ekonomikom zdravstva izradila je Izvještaj o radu javno zdravstvenih ustanova na Kantonu u 2017. godini prema Planu i Programu statističkih istraživanja od interesa za FBiH.

Izrađen je i Publikovan " Pregled zdravstvenog stanja stanovništva, rada javno zdravstvenih ustanova i organizacije zdravstvene zaštite na području Unsko - sanskog kantona u 2016. godini, ista je dostavljena relevantnim institucijama na USK-u. Iz analize izdvajamo vitalne događaje, kretanje zaposlenih u zdravstvenim ustanovama, analizu bolničkog liječenja i obilježavanje značajnijih datuma.

Područje Unsko - sanskog kantona prostire se na 4.125 km², a broji 271.209 stanovnika prema procjeni u 2016. godini. Prosječna gustina naseljenosti iznosila je 66 stanovnika na km².

Gustina naseljenosti za Kanton iznosi 66 stanovnika na 1 km², sa najvećom gustinom naseljenosti u Cazinu sa 186 stanovnika na 1 km², a najmanjom u Bos.Petrovcu sa 10 stanovnika na 1 km².

U 2016. godini registrirano je 1.983 živorođene djece, 2.054 umrlih i 12-oro umrle dojenčadi. Stopa nataliteta iznosi 7,3 ‰, stopa općeg mortaliteta je 8 ‰, a prirodni priraštaj je -0,26 ‰ te je i dalje je izrazito nepovoljan. Od ukupnog broja rođenih, 51% je muškog, a 49% ženskog pola, a porođaji se u 99% obavljaju u bolnicama i porodilištima, dakle uz stručnu pomoć. Stalni pad nataliteta i prirodnog priraštaja ima za posljedicu starenje stanovništva.

Tabela 1. Prikaz stope nataliteta sa stopama prirodnog priraštaja u 2015-2016. godini

| R/B | Općine | 2015. god. | | | | 2016. god. | | | |
|-----|---------------|-------------------|------------------|--------------------|--------------|-------------------|------------------|--------------------|--------------|
| | | Ukupno živorođeni | Stopa nataliteta | Prirodni priraštaj | | Ukupno živorođeni | Stopa nataliteta | Prirodni priraštaj | |
| | | | | Broj | Stopa /1000 | | | Broj | Stopa /1000 |
| 1. | Grad Blizac | 460 | 7.5 | -74 | -1.2 | 445 | 7.9 | 68 | -1.2 |
| 2. | Bos.Krupa | 220 | 7.9 | -23 | -0.8 | 232 | 9.2 | 19 | 0.8 |
| 3. | Bos.Petrovac | 30 | 4.5 | 91 | 13.5 | 30 | 4.3 | 94 | 13.6 |
| 4. | Bužim | 182 | 10.1 | 79 | 4.4 | 209 | 10.8 | 91 | 4.7 |
| 5. | Cazin | 475 | 8 | 32 | -0.5 | 398 | 6 | 19 | -0.3 |
| 6. | Ključ | 74 | 3.9 | -52 | -2.8 | 72 | 4.4 | -39 | -2.4 |
| 7. | S.Most | 158 | 4 | 35 | 3.1 | 162 | 4 | 129 | 3.2 |
| 8. | V.Kladuša | 421 | 9 | 133 | 2.8 | 435 | 11 | 130 | 3.2 |
| | UKUPNO | 2.020 | 7 | -131 | -0.46 | 1.983 | 7.3 | -71 | -0.26 |

Stopa prirodnog priraštaja je izrazito nepovoljna i za Kanton iznosi -0.26 ‰; najniža stopa je u B. Petrovcu sa -13,6 ‰, a najviša u Bužimu sa 4,7 ‰.

Tabela 2. Indikatori za ocjenu stope prirodnog priraštaja

| Ocjenu stope prirodnog priraštaja | Visina stope |
|-----------------------------------|--------------|
| Izrazito nepovoljna | <5 ‰ |
| Nepovoljna | 5-9 ‰ |
| Povoljna | 10-12 ‰ |
| Jako visoka | >12 ‰ |

Podaci nam ukazuju da imamo izrazito nepovoljan prirodni priraštaj na području Unsko - sanskog kantona i to predstavlja značajan podatak u ukupnom zdravstvenom stanju, s obzirom da rađanje predstavlja jedan od najznačajnijih parametara zdravstvenog stanja stanovništva. Nažalost, već godinama nemamo nikakve određene Nacionalne strategije o populacionoj politici, iako su nam neophodne kako za nivo cijele BiH, tako i za naš Kanton.